



Harald Bianco
Inatsisartunut ilaasortaq
Inuit Ataqatigiit

Tasiilamut immap naqqatigut kabeli pillugu § 37 naapertorlugu apeqquteqaammut 2024-037-mut akissut

19-02-2024
Suliap normua.: 2024 - 3783
ID. nr. 91014990

Asasara Harald Bianco

Inatsisartut suleriaasianni § 37 naapertorlugu Tasiilamut immap naqqatigut kabeli pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlugit.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1. Tasiilap Islandillu akornanni Tusass.-i immap naqqani mississuinissamik pilersaaruteqarnersoq Naalakkersuisut ilisimasaqarpat?

Akissut: Tasiilap Islandillu akornanni Tusass immap naqqanik mississuinissaminik pilersaaruteqarnersoq Naalakkersuisut ilisimangilaat.

Tusass immersueqataanissaanik noqqaaffigineqarami ima paasissutissiivoq:

"Tasiilap Islandillu akornanni immap naqqatigut kabeliliinissaq pillugu immap naqqanik mississuinissaminik Tusass massakkut pilersaaruteqanngilaq.

Immap naqqanik mississuisoqarsinnaatinnagu, Tasiilamut isumannaatsumik immap naqqatigut kabeliliisoqarsinnaanersoq paasiumallugu aallarniutaasumik assigiinngitsutigut mississuinerit ingerlanneqaqqaartariaqassapput.

Tasiilap eqqaani sinerik kiisalu sikoqangaatsiarneratigut, iluliaqangaatsiarneratigullu tamanna immap naqqatigut kabeliliiffissatut nalorninarloqarpoq, taamaattumillu tulliuttut ingerlanneqartariaqarlugit:

- Sumiiffimmi sikuq ingerlaartarneranik, sarfartarneranillu mississuineq
- Immap naqqatigut kabelip imaanit nunakkoortinneqarnissaanut sumiiffinnik periarfissaasunik nunami imaanilu mississuineq, tassani isumannaatsumik itissuseqarnissaa qulakkeerumallugu qillisoqartariaqassammat kiisalu
- Immap naqqatigut kabelip ingerlaarfissaanik naleqquttumik nassaarnissaq siunertaralugu mississuineq,

Siuliani taaneqarlugit mississugassat kiisalu immap naqqanik mississuinissap neqeroortitsissutigineqarnissaa ukiumi siullermi ingerlanneqarsinnaassapput, umiarsuillu mississuutit atorsinnaappata

immap naqqanik misissuinerit ukiup aappassaani
ingerlanneqarsinnaassallutik.

Misissuinissat, takusaanissallu kiisalu immap naqqanik misissuinissaq 59
millioner dk koruuninik akeqassasoq missiliorneqarpoq.”

Apeqqu 2. Islandimiit Tasiilamut immap naqqatigut kabeliisooqassagalarpat qanoq akeqassanganneqarpa?

Akissut: Apeqqu Tusass-imut saqqummiunneqarpoq, imalu akivoq.

”Apeqqutip akisinnaanissaa siunertaralugu imaani itissutsinik
eqqoriaakannerluni naliliinerit kiisalu Tasiilap eqqaani sumiiffinnik
assinganik eqqoriaakannerluni naliliinerit tunuliaqutaralugit, Tasiilap
Islandillu akornanni immap naqqatigut kabeliisooqassappat Kalaallit
Nunaanni immap naqqatigut kabelip qajannaallisakkap assinganik
kabeliisooqartariaqarpassippoq.

Immap naqqani kabelimut isumannaatsuutitsinissaq eqqarsaatigalugu
sapingisamik immap naqqatigut kabeli itinerpaatigoortinneqassammat
Tasiilap, Islandillu akornanni immap naqqatigut kabeli 1.250 km-it
missaannik takissuseqassaaq.

Siku, ilulissallu tunuliaqutaralugit siusingaatsiartumik matumani
nalilerneqarpoq, immap naqqatigut kabelip Tasiilap eqqaani imaani
nunakkoortinneqarnissaani isumannaatsuutitsinissaq eqqarsaatigalugu
minnerpaamik 1.200 meterit tikillugit qillerisooqartariaqassasoq.

Tasiilamut Islandimut immap naqqatigut kabeliisooqarnissaa
eqqoriaakannerluni missiliorlugu ima akeqassaaq: DK 540 millioner
koruunit.

2016-imi assingusumik apeqqu Tusass-ip akinikuuaa, Tasiilamiillu
Islandimut immap naqqatigut kabeliisooqarnissamut aningaasartuutissatut
taamaanikkut DK 380 millioner koruunit missiliorneqarlutik.


2016-imi missiliorneqartut 2024-mi DK 160 millioner koruuninut
qaffannerinut pingaarnertut patsisaasut tassaapput

- Atortussat akitsorsimani (pingaartumik sisak), tassani Covid-
imik ajornartoornerup kingunerisat patsisaallutik akigitat 2021-mi
marloriaatinngormata, taamaattoq 2022-mi appariallutik
Ukrainimi sorsunnerup kingunerisat malunniunnerisigut akigitat
10 -15 %-imik qaffaqinnikuullutik.
- Paasissutissaasiviit (datacenterit) akornanni systeminik
piginnaasaqarluartunik Google, META aamma Microsoft
ujartuipput, tamannalu nioqutissiorsinnaanermut, pingaartumilli
immap naqqatigut kabeliisooqarnissamut umiarsuarnut, ukiut
ingerlanerini amerliartorsimanngitsunut sunniuteqarluni,
umiarsuarnullu atornerqarsinnaasunut ullormut akigititanut
annertuumik qaffatsitsilluni,
- Orsussap/uuliap/ikummatissap akia 2016-imit 2023-p tungaanut

670 %-imik akitsorsimanera (2016-imi tonsimut USD 144,50
aamma Juni 2022-mi tonsimut USD 1125,50)"

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Hans Peter Poulsen